

Селәнә эдл-аху гардлгънд ик чинр өгхмн

Приютненск района партийн конференцяс

Района III-ч партийн конференц деер КПСС-н Приютненск райкомин сеплэтр үр Постниковин тоочана докладт селәнә эдл ахугъас гардг про-дукте өслгънд, колхозмудин боли совхозмудин экономиккин өслтд күч-көлсчирин бәәх бәәдл-джиргълнь өсхд КПСС-н ЦК-н шиидврмүд ямаран гидг ач-тусан күргесиг темдгтә-гъяр үлгүрлдж келгдв. Үлгү-рнь, нидн джилин эн цагла дүнъгцүлхлә, государствд ма-на район 4.544 центнер мах үлү орулдж өгв, ноосн — 1.058 центнер, буудя тави холван икәр орулдж өггдв.

Колхозмуд боли совхозмуд зөвәр ик газрт эрдни-шишә тәрв. Хөөнә өслт 27.287 тол-гъа болв, бод мал — 1046 толгъа өсв. Районд әмтн бәә-дг гермүд, культурн-бытовой боли мал орулдг гермүд тосх-лгънд гаргъдг мөнъгнә то, өсджәнә. Өвс белдлгънә боли намрин тәрә хуралгъна код-лмш улм ик бүрдәмджтәгъяр күңцәгдв.

Болв, КПСС-н райком боли эклц партийн организац, се-ләнә эдл-аху гардлгъндан зө-вәр хаджгър боли эндү гар-гъна, колхозмудин, совхозму-дин, МЖС-н боли РТС-н код-лмшт гүүнәр ухан-седклән өгхш. Райком уха-седклән өгл уга, хоомагъар гардлгъна аш голлгч эдл-аху — хө өск-дгънд үзгднә.

Болв, хөөнә то өскдг болв чигн, колхозмуд боли совхоз-муд хө өсклгънә зурагъан хашнъгар күңцәджәцхәнә. Минь өдгә цагт зурагъас 7300 хөн тату. Эдл-ахуст хөөнә үкл элвг болв, нег үлү дөрвд-гч совхозд боли «Дружба» колхозд хургъдин үкл элвг болв. Хөөнәс төл авлгън тату-хн, 100 хөөнәс 89 хургън ав-дв. Районд 6188 хөн хусрв.

Ноос гаргългъна даалгъв-ран район күңцәджәхш. Совхоз-муд дегд багъар ноос киргъдж авцхав, хөн болгънас 6,5 килог-

рамм ноос киргъдж авхин ор-чд 4,5 килограмм авцхав. Бод малин өслт. мах, үс, өндг гар-гъдж авлгън хашнъ йовна.

Эн тоот дуту-дундсиг сәәнәр шүүүдж хәләл уга бәәнсь рай-комин докладт заагдв. Района голлгч әнъг эдл-ахуг — мал өсклгънг — партийн гардлгън ягъад суд болсиг сәәнәр цәәл-гъдж келгдсн уга. Эн учрар конференцд келсн үгмүд нег-кевтә болв.

— Мана дуту-дундс—рай-ком селәнә эдл-ахуг гардлгъ-на кев-янзан ясрулсн уга, кол-хозмудин, совхозмудин боли РТС-н кодлмшт онъган өглгъ-ән ясрулсн уга — гидж делегат үр Кулик келв. Мал өскәчнр дунд организационн партийн боли политическ кодлмш мана-хнд муугъар кегддж йовна. Райкомин кодләчнр олн дунд-кадр сургългънд үлгүр болх кодлмш үзүлцхәхш. Олн-әмт-нлә тедн нициңгъү кодлхш, цуг төрмүдиг зугл колхозмудин ахлачнрла боли бригадирмүд-лә таслна, района күңцәгч ко-митетин кәх кодлмш күңцәч-нә, нам зәрмдән колхозин ах-лачиг дольна. Иим кодлмш кедгнь райкомин сеплэтр үр Севостьянов, райкомин оргот-делин заведующ үр Богослав-ский.

Райкомин бюро боли сеплэ-трмүд производствени кодлмшт гүүнәр орлцхш, колхозмудин эв-аргъинь көрнъгинь тоолдж медцхәхш, урдаснь тосдж кех төрмүдиг негинь олдж таслхш гидж делегат үр Чудиков ша-лгъв.

Хө өсклгънг бидн сулар кү-ңцәджәнәвдн,— гидж делегат үр Макаров келв.—Хөөнә үк-лин боли хусрлгъна тускар джил болгън келцхәнәвдн, ягъ-ад иим болджахиг арднь ордж кен болв чигн медхәр седхш. КПСС-н райком арднь ордж хө өсклгънә төрт онъган өгчә-сн болхла, хөөнәс авдг шим-шууснь ягъад багъ болджах учринь эртәр медх билә. «Арв-

лгълә» көблдхләри, хөбнд өвс боли комбикорм күңц өгх-швдн, эн учрар хөөнәс авдг ноосн тату болна. Колхозмуд боли совхозмуд малин элвг хо-тта бийсь, ода бийнь йоста гидгәр хөбнд хот өгхш.

— Мана конференц деер, зугл ода, хөөнә үклин тускар икәр келгдджәнә, тер юнъгад гихлә, хөөнә үкл дегд элвг бо-лджах учрар, — гидж 4-ч ном-ертә совхозин малин эмч үр Лысенко келв.— Цаарандан хөөнә үкл багърхмн гидж кел-дж болшго. Үвлзньгүр йовсн зургъан отар хөөнәс негхн от-арнь дулан хашата. Совхозин директор үр Киселев специа-листрин селвг сонъсхш.

Партин райком мал өсклгъ-нә тускар чик заавр-селвг өг-чәсн уга, селәнә эдл-ахун спе-циалистнрлә муугъар кодлмш кеджәв, нүр болгч шин тоотиг олзлхар ноолда багъар кеджәв гидж наадк делегате чигн кел-цхәв. Үвләр боли эрт хө хургъ-лулхар, (терүнә чинринь райо-нд күн му гидж эс келджәсн бийнь) партийн организац боли КПСС-н райком йоста ноолда кехш. 66 минъгън нәә-дир хөөнәс ода деерән зугл зургъадгч хүвнь көглә харгъв.

Мал өскәч улсла райком бо-ли райисполком кодлмш тату-гъар кецхәнә. Иим олн улсин дунд коммунистнр хәтәр — 8 хөбч, 5 үкрч бәәнә. Хөбчнрин медрл өддлүлх кодлмш бүрд-әгдсн уга, теднә бәәх бәәд-линь ясрулхд килмджән өгцхә-хш.

Танъгъчин селәнә эдл-ахун управленә, Приютненск РТС-н боли райисполкомин селәнә эдл-ахун инспекцин кодлмшиг делегатнр шалгъв.

Бүрдәмдж пленум деер КПСС-н райкомин негдгч сеп-ләтрт үр Г. С. Огрызкин, хойр-дгч сепләтрт—үр Е. Х. Коснева, сепләтрт — үр Г. Я. Севостья-нов сунъгъдв.

Е. ПОВАЛЯЕВ.